



KEMENTERIAN PENGAJIAN TINGGI



## **TEKS UCAPAN ALU-ALUAN**

**MAJLIS KONVOKESYEN KE - 22  
POLITEKNIK SULTAN SALAHUDDIN ABDUL AZIZ SHAH**

**DEWAN AL-JAZARI**

**SIDANG 1**

**6 DISEMBER 2021 (ISNIN)  
8.00 PAGI**

**YBrs. Ts. HJ. MOHAMAD AMIN BIN HAMAT  
TIMBALAN KETUA PENGARAH (GOVERNAN)  
JABATAN PENDIDIKAN POLITEKNIK DAN KOLEJ KOMUNITI  
KEMENTERIAN PENGAJIAN TINGGI**

Terima kasih Pengacara Majlis.

السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

Salam Sejahtera dan Salam Keluarga Malaysia.

Yang Berbahagia Dato' Haji Zamani Ahmad bin Mansor  
Datuk Bandar Majlis Bandaraya Shah Alam

YBrs. Dr. Hj. Mohd Zahari bin Ismail  
Pengarah  
Politeknik Sultan Salahuddin Abdul Aziz Shah

YBrs. Ts. Roseman bin Mat Jidin  
Timbalan Pengarah Akademik

YBrs. Ts. Dr. Hj. Ahmad Aftas bin Azman  
Timbalan Pengarah Sokongan Akademik

Pengarah-Pengarah Bahagian Jabatan Pendidikan Politeknik  
dan Kolej Komuniti (JPPKK)

Pengarah-Pengarah Politeknik dan Kolej Komuniti

Ahli-ahli Mesyuarat Pengurusan, para pensyarah dan  
kakitangan Politeknik Sultan Salahuddin Abdul Aziz Shah

Yang diraikan ibu bapa dan barisan graduan

Serta hadirin dan hadirat yang dihormati sekalian.

1. Alhamdulillah, suka saya merakamkan setinggi - tinggi rasa syukur ke hadrat Allah Ta'ala kerana limpah rahmat dan izin-Nya, kita dapat bersama dan berhimpun dalam majlis yang penuh meriah di dewan ini sempena **Majlis Konvokesyen Politeknik Sultan Salahuddin Abdul Aziz Shah (PSA) Ke-22**. Setinggi - tinggi penghargaan kepada **Dato' Haji Zamani Ahmad bin Mansor Datuk Bandar Majlis Bandaraya Shah Alam** kerana sudi hadir pada hari ini. Sesungguhnya kehadiran **Yang Berbahagia Dato'** menambahkan lagi seri majlis kita pada hari ini. Tahniah kepada semua pihak dan seluruh warga kerja PSA kerana telah memberikan komitmen padu dalam merealisasikan majlis yang penuh makna ini.
2. Bersempena detik yang bersejarah ini, saya ingin merakamkan setinggi-tinggi ucapan tahniah kepada semua graduan kerana telah berjaya menamatkan pengajian dalam bidang masing-masing dalam tempoh yang ditetapkan. Kepada graduan yang dihormati sekalian, ingatlah bahawa penganugerahan ijazah, diploma dan sijil hanyalah satu permulaan. Dengan bekalan ilmu yang ada, anda sekalian akan mula belajar membina kehidupan dan memberi makna dalam kehidupan anda. Ingatlah ketika

saudara dan saudari berada dalam masyarakat, selain membawa nama keluarga juga membawa nama PSA.

**Para Graduan, Ibu bapa dan sidang hadirin sekalian,**

3. Sejak penubuhan PSA pada tahun 1997, sehingga kini PSA telah melahirkan seramai **39,478 orang graduan** dalam pelbagai lapangan. Bagi majlis konvokesyen yang diadakan selama 5 hari bermula dari 6 sehingga 10 Disember 2021 ini, seramai **2,818 orang graduan bakal menerima ijazah, diploma serta sijil masing-masing**. Daripada jumlah tersebut, seramai 702 graduan daripada Jabatan Perdagangan, 946 graduan daripada Jabatan Kejuruteraan Awam, 702 graduan daripada Jabatan Kejuruteraan Elektrik dan 468 graduan daripada Jabatan Kejuruteraan Mekanikal termasuk 27 daripadanya graduan Sijil Kemahiran Penyenggaraan Mekanikal yang merupakan **pelajar OKU pendengaran**.
4. Majlis konvokesyen ini turut mencatatkan sejarah yang tersendiri apabila PSA buat julung kalinya berjaya melahirkan **graduan holistik Techno-Huffaz pertama** dari Program Pensijilan Tahfiz Al-Quran yang berjaya menghafaz 30 juzuk Al-Quran. PSA

merupakan politeknik perintis program seumpama itu di Malaysia dengan kerjasama daripada Darul Quran, Jabatan Kemajuan Islam Malaysia (JAKIM).

### **Para Graduan, Ibulapa dan Sidang hadirin sekalian**

5. Sebelum saya akhiri ucapan ini, sukalah saya berpesan kepada graduan sekalian untuk terus bersama dengan PSA walau di mana sahaja anda berada. Bawalah kenangan manis dan kongsikanlah pengalaman menimba ilmu di sini. Semoga ianya menjadi daya penarik bagi PSA untuk generasi yang akan datang supaya turut menimba ilmu di sini. Sekali lagi syabas dan tahniah diucapkan kepada semua yang terlibat dalam majlis bersejarah ini. Buat Pengarah PSA serta seluruh warga pengurusan dan kakitangan yang terlibat terima kasih diucapkan kerana berjaya mencorakkan kenangan manis dalam diari hidup graduan serta keluarga pada hari ini. Buat semua graduan tahniah dan saya serta warga Jabatan Pendidikan Politeknik dan Kolej Komuniti, Kementerian Pengajian Tinggi mendoakan agar kalian semua terus cemerlang dan menjadi model contoh kebanggaan PSA di dunia luar nanti.

6. Salam hormat daripada saya. Wabillahi taufiq wal hidayah,  
wassalamu'alaikum warahmatullahi wabarakatuh.